



Inatsisartunut ilaasortaq
Akitsinguaq Olsen, Siumut

**Uumasunut nakorsa qarnerup Inuussutissalerinerullu iluani suliassat, maanna Fø-
dearestyrelsen-imut il.il. atasut, tiginissaat pillugu § 36 malillugu apeqqute-
qaammut akissut**

17.09.2010
Sagsnr.
Dok. Nr.
Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: islin@gh.gl
www.nanoq.gl

Apeqqtinnut qujaatigalunga eqqaasitsissutigissavara, apeqqt assingusoq (UPA2010-130) juni 2010-mi akissuteqarfigeereersimagakku, aamma Siumuminngaanneersoq. Taamaattumik apeqquteqaatinnut akissutissara akissutigereersimasannut assingusaaq.

Namminersorneq pillugu inatsisip § 3, imm. 2-ani allassimavoq, Uumasunut Nakorsa qarneq Inuussutissalerinerlu Kalaallit Nunaannut nuunneqarsinnaasoq piffissap Naalagaaffimmi Oqartussaasut aamma Namminersorlutik Oqartussat isumaqatigiissuteqarfisaat nallerpat. Sammisarqarfii qitiulluinnarput annertungaatsiarlutillu, taamaammattigusinissaq pissutsinik naleqqussaaniissamik piumasaqaateqarfiuvoq, minnerunngitsumik aalisakkanik aalisakaniillu tunisassianik EU-mut tunisisarnerup atatiinnarnissaa eqqarsaatigalugu.

Uumasunut nakorsa qarnerup Inuussutissalerinerullu Danmarkimiit tiginissaanut ilaasapput sammisat 1992-imi Landbrugs- og Fiskeriministeriet-ip (nunalerinermut aalisarnermullu ministereqarfik) ataaniissimasut. Sammisat tassaapput:

- Suliffeqarfinnik inuussutissanik uumasuneersunit tunisassiortunik avammut tunisisartunik naleqqussaaneq nakkutilliinerlu, tamakkununga ilaallutik aalisakkanik qalerualinnillu sammisaqartut
- Suliffeqarfinnik uumassusilinnit igitassanik avammut tunisassanik tunisassiortunik/suliareqqiisunik (saniatigut tunisassiat) naleqqussaaneq nakkutilliinerlu
- Inuussutissanik uumassusilinneersunik eqqussuinerneq avammullu aallarussuinerneq naleqqussaaneq nakkutilliinerlu
- Tunisassianik uumassusilinneersunik ulluinnarni atugassatut naatsorsuusaanngitsumik naleqqussaaneq nakkutilliinerlu
- Uumasunik uumassuseqartunik eqqussuinerneq avammullu aallarussuinerneq naleqqussaaneq nakkutilliinerlu

- Uumasuutit nappaataannik tuniluuttunik naleqqussaaneq nakkutilliinerlu, tamak-kununnga ilaanatik uumasut nappaataannik naleqqussaaneq nakkutilliinerlu nu-natsinnit tiguneqareersimasut
- Uumasut nakorsaasa sulinerannik, uumasut nakorsaasa pisinnaatitaaffiini-k pi-sussaaffiinillu naleqqussaaneq nakkutilliinerlu
- Uumasunut nakorsaatinik atuinernik kiisalu stoffit ilaannik atuinernik inerteqqu-siinernik naleqqussaaneq nakkutilliinerlu

Qulaani nalunaarsorneqartut sammisaqarfiupput amerlasuut ajornakusoortullu, naam-maginartumik aaqqissuussinernik pisariaqartitsisut (assersuutigalugu nakkutilliisoqar-fimmik namminersortumik pilersitsineq) sulisut pisariaqartitat ilinniarsimasullu (assersuu-tigalugu aalisarnermik sammisaqarnermi nakkutilliinikkut suliassat), kiisalu illuutitigut atortorissaarutit.

Nunatsinnut nuussineq ukiumut 20 – 25 millioner DDK-nik akeqassasoq naatsorsuutigi-neqartariaqarpoq, aalisakkerinermik qaleralerinermillu sammisaqartunik nakkutilliineq kiisalu inuussutissanik eqqussuineramik avammullu aallarussuineramik nakkutilliineq ani-ngaasaqarnikkut artukkiinersaassallutik. Uumasunut nakorsaqaqarnerup Inuussutissaleri-nerullu tigunissaannut aningaasat tagginneqartut tassaapput aningaasat Namminersor-lutik Oqartussat maanna aningaasaqarnikkut inissisimanera naapertorlugu pissarsiari-neqarsinnaangitsut.

Naggasiullugu amerlasuunit paatsoorneqartartoq naqqiissuteqarfigerusuppara, soorlu apeqquteqaativit aallaqqaataani aamma taaneqartoq, tassalu Uumasunut nakorsaqaqar-nerup Inuussutissalerinerullu tigunerani Kalaallit Nunaanni imminut pilersornerunermut iluaqutaasussaassasoq. Tamanna eqqunngilaq. Inuussutissat nunatsinni tunisassiarine-qartut Kalaallit Nunaanni tuniniagassatut tunisassiarineqartut pillugit malittarisassat atuuttut qangalili nuullugit tiguneqareersimapput, tamakkulu aqunneqarnerat Naalakker-suisoqarfimma ataani Uumasut Nakorsaqaqarnermi Immikkoortortami ullumikkut inissisi-mapput.

Neriullunga akissuteqaat naammaginartumik akisumallugu.

Inussiarnersumik inuulluaqqusillunga



Ove Karl Berthelsen